



## **JABATAN AGAMA ISLAM WILAYAH PERSEKUTUAN**

### **TEKS KHUTBAH AIDILADHA**

**Tajuk :**

**AIDIL ADHA: DI MANAKAH PENGORBANAN KITA?**

**Tarikh Dibaca :**

**10 ZULHIJJAH 1440H/  
11 OGOS 2019M**

**Disediakan oleh :**

**Cawangan Khutbah Dan Latihan  
Bahagian Pengurusan Masjid  
Jabatan Agama Islam Wilayah Persekutuan**





## Muslimin dan muslimat yang dirahmati Allah

Memulakan khutbah Hari Raya Aidil Adha pada pagi ini, khatib ingin berpesan agar bersama-sama kita tingkatkan ketakwaan kepada Allah SWT dengan bersungguh-sungguh membangunkan syariat di segenap ruang kehidupan, menjunjung tinggi perintah Allah SWT dan menjauhi segala larangan. Mudah-mudahan dengan kesungguhan membangunkan taqwa di dalam jiwa, kita akan meraih kasih dan keredhaan Allah SWT yang menaungi kehidupan kita di dunia, serta membawa kesejahteraan abadi di akhirat sana.

Bersempena dengan hari raya Aidil Adha pada pagi ini, khatib akan membicarakan khutbah bertajuk “**Aidil Adha, Di manakah Pengorbanan Kita?**”.

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ،

## Sidang Jemaah yang dirahmati Allah,

Di pagi Aidil Adha ini juga, marilah kita melafazkan pujian dan kesyukuran kepada Allah SWT yang masih mengizinkan kita untuk bernafas meneruskan hidup dalam suasana yang nyaman dan harmoni. Bersama kurniaan iman dan Islam yang digenggam erat, kita berdoa semoga segala nikmat ini dapat memujuk jiwa kita mensyukuri Maha Pengurnia, dengan gigih melazimi ketaatan dan tabah menghindari kemungkar. Sesungguhnya, itulah bukti sebenar sebuah kesyukuran.

Sedarlah, Aidil Adha hadir membawa seribu rahmat dan kelebihan. Bersama kisah yang memaparkan tingginya nilai pengorbanan dan kehambaan, ia membekalkan ibrah yang menitip keampunan dan kasih Allah kepada para Ibadur Rahman.





Jumhur ulama berpendapat bahawa hukum ibadah korban adalah sunat muakad dan besar ganjaran pahalanya. Begitulah sinonimnya agama ini dengan pengorbanan. Lihatlah betapa seriusnya Rasulullah menyarankan agar kita melaksanakan ibadah korban sebagaimana Hadis riwayat Imam Ahmad daripada Abi Hurairah RA, baginda bersabda:

مَنْ وَجَدَ سَعَةً فَلَمْ يَضَحَّ فَلَا يَقْرَبَنَّ مُصَلَّانَا

**Maksudnya :** "Sesiapa yang mempunyai kelapangan (berkemampuan) tetapi dia tidak melakukan ibadah korban, maka jangan sekali-kali dia dekati tempat solat kami ini."

Hadis ini memberi gambaran bahawa ibadah korban sangat penting dan besar peranannya. Ibadah ini amat dituntut, terutama ke atas umat Islam yang berkemampuan yang telah dilimpahkan dengan rezeki kepada mereka. Sedarlah, selagi kita belum bersedia untuk mengorbankan sebahagian daripada apa yang Allah kurniakan kepada kita, kita sebenarnya masih jauh dari jalan-jalan keimanan dan ketaqwaan. Jika sedikit harta pun belum mampu kita korbankan, bagaimana mungkin kita mampu untuk mengorbankan jiwa di jalan Allah SWT..

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ،

**Saudara-saudaraku yang dimuliakan,**

Sesungguhnya ibadah korban mengandungi hikmah yang begitu luas yang perlu difahami oleh setiap umat Islam. Hikmah-hikmah inilah yang akan menjadi pendorong dan membentuk keazaman di dalam jiwa untuk menyempurnakan ibadah korban. Di antaranya ;



**Pertama** : Menyemai ketaqwaan ke dalam diri dengan mengutamakan ketaatan dan cinta kepada Allah SWT mengatasi cinta kepada selainnya. Inilah yang dijelaskan oleh Allah melalui firmanNya di dalam Surah AlHajj ayat 37:

لَنْ يَنَالَ اللَّهَ لُحُومُهَا وَلَا دِمَاؤُهَا وَلَكِنْ يَنَالُهُ التَّقْوَىٰ مِنْكُمْ كَذَلِكَ سَخَّرَهَا لَكُمْ لِتُكَبِّرُوا اللَّهَ عَلَىٰ مَا هَدَيْكُمْ وَبَشِّرِ الْمُحْسِنِينَ ﴿٣٧﴾

Bermaksud: “Tidak akan sampai kepada Allah daging-dagingnya dan tidak pula darah-darahnya, tetapi akan sampai kepada Allah ialah ketaqwaan dari kamu. Demikianlah dipermudahkannya korban-korban kepada kamu supaya kamu mengagungkan Allah terhadap hidayah-Nya kepada kamu. Dan hendaklah kamu gembirakan orang-orang yang berbuat kebajikan.”

**Kedua** : Menghayati dan meraih ganjaran ibadah agung ini. Inilah yang dimaksudkan oleh hadis yang diriwayatkan oleh Imam Abu Daud daripada Zaid bin Arqam, dia berkata:

قَالُوا: يَا رَسُولَ اللَّهِ ، مَا هَذِهِ الْأَضَاحِي ؟ قَالَ : سُنَّةُ أَبِيكُمْ إِبْرَاهِيمَ ، قَالُوا : مَا لَنَا فِيهَا ؟ قَالَ : بِكُلِّ شَعْرَةٍ حَسَنَةٌ ، قِيلَ : يَا رَسُولَ اللَّهِ ، فَالْصُّوفِ ؟ قَالَ : لِكُلِّ شَعْرَةٍ مِنَ الصُّوفِ حَسَنَةٌ .

Bermaksud: “Para Sabahat bertanya: “Ya Rasulullah, apakah ertinya sembelihan korban ini? Rasulullah SAW menjawab: “Ia sunnah bapa kamu Ibrahim.” Mereka bertanya: Apa yang akan kami perolehi daripadanya?” Rasulullah menjawab: Bagi setiap helai rambut satu kebajikan.” Mereka bertanya lagi : “Bagaimana pula dengan bulunya wahai Rasulullah?”



*Rasulullah menjawab : “Bagi setiap helai rambut dan bulu halusnya satu kebajikan.”*

**Ketiga :** Membentuk jiwa berkorban dan mengasihi insan lain. Dengan ibadah ini kita dapat memberi dan mengagih-agihkan nikmat kepada insan lain yang serba kekurangan. Imam Asy-Syafie menganjurkan agar orang yang menyembelih korban tidak mengambil lebih dari satu pertiga daging korban tersebut, satu pertiga diagihkan kepada kaum kerabat dan satu pertiga untuk fakir miskin. Oleh itu dalam proses pengagihan daging korban perlulah dipastikan semua fakir miskin di kariah kita diutamakan dalam senarai penerima agihan daging korban ini. Firman Allah SWT di dalam Surah Alhajj ayat 28:

لِيَشْهَدُوا مَنَافِعَ لَهُمْ وَيَذْكُرُوا اسْمَ اللَّهِ فِي أَيَّامٍ مَّعْلُومَاتٍ عَلَىٰ مَا رَزَقَهُم مِّنْ  
بَهِيمَةِ الْأَنْعَامِ فَكُلُوا مِنْهَا وَأَطْعِمُوا الْبَائِسَ الْفَقِيرَ ﴿٢٨﴾

Bermaksud: “Supaya mereka menyaksikan berbagai perkara yang mendatangkan faedah kepada mereka serta memperingati dan menyebut nama Allah, pada hari-hari yang tertentu, kerana pengurniaannya kepada mereka dengan binatang-binatang ternak (untuk dijadikan korban); dengan yang demikian makanlah kamu dari (daging) binatang-binatang korban itu dan berilah makan kepada orang yang susah, yang fakir miskin.

### **Sidang jemaah yang dirahmati Allah,**

Iniilah hakikat sebenar Aidil Adha, hariraya yang menuntut pengorbanan dari setiap diri umat Islam. Setiap umat Islam, seharusnya mengambil sikap prihatin dan bersedia berkorban dalam menghulurkan bantuan kepada seluruh umat Islam yang hidup dalam kesusahan lebih-lebih lagi saudara-saudara seislam kita yang sedang menghadapi pergolakan di serata dunia.



Berkorban dan membantu mereka mengikut kemampuan sama ada dengan wang ringgit, tenaga, buah fikiran, doa dan sebagainya. Semoga dengan secebis pengorbanan yang kita hulurkan, ia tetap dinilai sebagai amal soleh dan sebagai bukti kejujuran iman kita kepada Allah SWT.

Semoga khutbah Aidil Adha ini dapat menyuntuk kesedaran dan keinsafan di jiwa kita semua. Antara pengajaran yang dapat diambil dari khutbah Aidil Adha hari ini ialah :

**Pertama** : Aidil Adha adalah lambang pengorbanan setiap hamba kepada Tuhannya. Sambutlah hariraya ini dengan apa jua bentuk pengorbanan di batas kemampuan.

**Kedua** : Berusahalah melahirkan kesyukuran kepada Allah SWT terhadap nikmat rezeki yang telah dikurniakan-Nya. Kongsikanlah sebahagian daripadanya dengan insan-insan lain yang memerlukan.

**Ketiga** : Hayatilah roh dan syiar perayaan Aidil Adha ini. Sesungguhnya tahap kejujuran iman kita kepada Allah SWT dapat diukur dengan sejauh mana kesediaan kita untuk berkorban demi mentaati perintahNya.

Firman Allah SWT dalam surah Al-Hajj ayat 34 :

أَعُوذُ بِاللَّهِ مِنَ الشَّيْطَانِ الرَّجِيمِ  
وَلِكُلِّ أُمَّةٍ جَعَلْنَا مَنْسَكًا لِيَذْكُرُوا اسْمَ اللَّهِ عَلَىٰ مَا رَزَقَهُمْ مِّنْ بَهِيمَةِ الْأَنْعَامِ  
فَالِهَهُمْ إِلَّا وَحْدٌ فَلَهُۥٓ أَسْلَمُوا وَبَشِّرِ الْمُخْبِتِينَ ﴿٣٤﴾

Bermaksud : “Dan bagi tiap-tiap umat telah Kami syariatkan penyembelihan (korban), supaya mereka menyebut nama Allah terhadap binatang ternak yang telah direzekikan Allah kepada mereka, Maka Tuhanmu ialah Tuhan







## Kaum Muslimin yang berbahagia,

Takbir dan tahmid yang kita laungkan di hari raya ini adalah manifestasi kesyukuran hamba kepada Tuhannya. Marilah kita menghayatinya untuk menyemai rasa syukur kepada Allah SWT yang saban hari mengurniakan pelbagai nikmat kepada kita, khususnya nikmat keamanan dan keharmonian yang dikecapi sehingga hari ini. Dengan semua nikmat inilah, kita dapat berhimpun pada pagi ini di masjid-masjid dan surau di seluruh negara, untuk sama-sama melaungkan takbir Aidil Adha. Justeru, di samping menyempurnakan tuntutan ibadah korban, seluruh umat Islam yang dituntut untuk terus bertakbir membesarkan Allah SWT sepanjang hari ini dan di hari-hari tasyriq sehingga menjelang maghrib 13 Zulhijjah nanti.

Pada hari ini juga, marilah kita memperbanyakkan ucapan selawat dan salam ke atas Baginda Nabi SAW. Allah SWT berfirman dalam surah al-Ahzab ayat 56:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا صَلُّوا عَلَيْهِ وَسَلِّمُوا تَسْلِيمًا



Maksudnya : "Sesungguhnya Allah SWT dan malaikatNya berselawat (memberi segala penghormatan dan kebaikan) kepada Nabi (Muhammad SAW). Waqhai orang-orang yang beriman, berselawatlah kamu kepadanya serta ucapkanlah salam sejahtera dengan penghormatan yang sepenuhnya."

اللَّهُمَّ صَلِّ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ كَمَا صَلَّيْتَ عَلَى سَيِّدِنَا إِبْرَاهِيمَ وَعَلَى آلِ سَيِّدِنَا إِبْرَاهِيمَ وَبَارِكْ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ كَمَا بَارَكْتَ عَلَى سَيِّدِنَا إِبْرَاهِيمَ وَعَلَى آلِ سَيِّدِنَا إِبْرَاهِيمَ فِي الْعَالَمِينَ إِنَّكَ حَمِيدٌ مُجِيدٌ.



وَارْضُ اللَّهُمَّ عَنِ الْخُلَفَاءِ الرَّاشِدِينَ وَعَنْ بَقِيَّةِ الصَّحَابَةِ أَجْمَعِينَ، وَعَنِ التَّابِعِينَ وَتَابِعِي  
التَّابِعِينَ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ وَارْضَ عَنَّا مَعَهُمْ يَا أَكْرَمَ الْأَكْرَمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ.

اللَّهُمَّ أَيْدٍ بِدَوَامِ التَّوْفِيقِ وَالْهُدَايَةِ وَالصِّحَّةِ وَالسَّلَامَةِ مَلِكْنَا كَبَاوَهُ دُوْلِي يَغْ مَهَّا مُوْلِيَا  
سِرِي قُدُوكْ بَكِينْدَا يَغْ دَقْرَتَوَانِ اَكُوغْ، السُّلْطَانِ عَبْدُ اللَّهِ رِعَايَةُ الدِّينِ الْمُصْطَفَى بِاللَّهِ  
شَاهِ ابْنِ الْمَرْحُومِ سُلْطَانِ حَاجِ أَحْمَدِ شَاهِ الْمُسْتَعِينِ بِاللَّهِ.

وَكَذَلِكَ كَبَاوَهُ دُوْلِي يَغْ مَهَّا مُوْلِيَا سِرِي قُدُوكْ بَكِينْدَا رَاجِ قِرْمَايسُورِي اَكُوغْ،  
تُونُكُو (Tunku) حَاجِهِ عَزِيْزَةُ أَمِيْنَةُ مِيْمُونَةُ إِسْكَندَرِيَّةُ بِنْتِ الْمَرْحُومِ الْمُتَوَكَّلِ عَلَى  
اللَّهِ سُلْطَانِ إِسْكَندَرِ الْحَاجِ.

اللَّهُمَّ احْفَظْ عُلَمَاءَهُ وَوُزَرَائِهِ وَقَضَاتِهِ وَعُمَّالَهُ وَرِعَايَاهُ مِنَ الْمُؤْمِنِينَ وَالْمُؤْمِنَاتِ بِرَحْمَتِكَ  
يَا أَرْحَمَ الرَّاحِمِينَ .

اللَّهُمَّ اجْعَلْ بَلَدَنَا مَالِيْزِيَا أَمِنًا مُطْمَئِنًّا، سَخَاءً رَخَاءً، دَارَ عَدْلِ وَإِيْمَانٍ، وَأَمْنٍ وَأَمَانٍ،  
وَسَائِرِ بِلَادِ الْمُسْلِمِينَ.

اللَّهُمَّ اَعِزِّ الْإِسْلَامَ وَالْمُسْلِمِينَ، وَدَمِّرْ أَعْدَاءَكَ أَعْدَاءَ الدِّينِ وَأَنْصُرْ مَنْ نَصَرَ الدِّينَ،  
وَاخْذُلْ مَنْ خَذَلَ الْمُسْلِمِينَ، وَأَعْلِ كَلِمَتَكَ إِلَى يَوْمِ الدِّينِ.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ،



إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ  
وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٩٠﴾ فَادْكُرُوا اللَّهَ الْعَظِيمَ يَذْكُرْكُمْ، وَاشْكُرُوا  
عَلَىٰ نِعْمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ وَلَذِكْرُ اللَّهِ أَكْبَرُ، وَاللَّهُ يَعْلَمُ مَا تَصْنَعُونَ.  
اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، لَا إِلَهَ إِلَّا اللَّهُ وَاللَّهُ أَكْبَرُ، اللَّهُ أَكْبَرُ وَاللَّهُ الْحَمْدُ.